



KOMUNIKADO PA PRENSA

Fecha
25 di novèmber 2015

Kontakto
Kabinèt Minister VVRP

MINISTER CAMELIA-RÖMER SU BISHITA DI TRABOU NA HULANDA TA SIGUI: POSIBEL KOPERASHON ENTRE MINISTERIO DI INFRASTRUKTURA DI KÒRSOU I HULANDA

Willemstad – Riba djamars 24 di novèmber, Minister Suzy Camelia-Römer, kende ta na Hulanda pa bishita di trabou, a hiba kòmbersashonnan ku su koleganan mandatario na Ministerio di Infrastruktura i Medio Ambiente di Hulanda, esta Minister Melanie Schultz van Haegen i Sekretario di Estado Sharon Dijksma.

Un di tópikonan ku a trata ta e koperashon riba e tereno di fortifikashon di kostanan di Kòrsou usando métodoonan indígeno manera plantashon di Mangrove. Manera ta konosí, Hulanda ta mundialmente rekonosé pa su ekspertisio riba asuntunan di awa, laman i protekshon kontra inundashon. Den e kuadro aki Hulanda ta dunando asistensha na por ehèmpel Miami, Cartagena, New Orleans, Sumatra i Bangladesh i Kòrsou na su turno tambe lo ke hasi uzo di e ekspertisio aki ku Hulanda tin.

E mandatarionan a interkambiá tambe riba e idea pa lanta un sentro di konosementu riba varios tereno di kartera di Tráfiko, Transporte i Planifikashon Urbano di Kòrsou. A papia tokante koperashon eksistente i pa futuro entre Servisio di Meteorológiko di Kòrsou, Instituto Meteorológiko di Reino Hulandes (KNMI) i Asuntunan Marítimo.

Sekretario di Estado Dijksma na su turno a invitá Minister Camelia-Römer pa sigui deliberá ku otro durante e konferensha klimatológiko di Nashonnan Uni ku lo tuma lugá na Paris, Fransia na kua tur dos mandatario lo partisipá den e promé siman di desèmber próksimo.